

inam tu sinsi

Mazima saikin kusian gaku, aupa supah sinsi masnava zami mas masial tu iniliskinan, tailas, siin mamantuk tu qansiap.

Maszang inaam tu sisipul tu masnanava, isicia a ngan hai tupau tu Tahai.Palavian, masnava zami makua masipul “tasa, dusa, mas-an, mapus-an”, “ tacini, dadusa, tatau.” “tasa susan ima min num,” “ ima suidaing, siva suidaing, masanmasan.” pinhansiapun kaimin tu makua masipul, makua masipul sui, pinhansiap ma-uvaiv sui. tahan kaimin tu “namin madia mais palaslunun.” mapasnava hai, maszang amin tu asa tu daudaukun mahatul hansiap, napinsupah mas taiklas.

Masnava huzas tu sinsi hai, isaicia ngaan hai tupau tu Abus. Palavian. isnavan kaimin mas itu bunun tu huzas, tahan kami bunun-tuza tu makitvaivi tu isling hai, sia mas pasibutbut tu huzas, pasibutbut tu huzas mais tusausun hai, maszang minvau a sing-av ta-a-zaun, isia maupa cia tu sing-av hai, tupa a sinsi tu, “kaaz Bunun hansiap tusau mas maupa tan tu huzas.”

Maza malastauluu tu sinsi, i saicia ngaan hai, tupau tu Ilung Tanapima, tahan kaimin tu, “ tastu qanian tu ailsanusun hai isian um-um” aphasia, maisnasian sinsi tu halingaz hai, pinhansiapun kaimin tu asa niitu mapinmamaz mas hanian, asa tu mananulu mihumis, katu min-uni malaitaz tu isnanavaan, asa tu min-uni makaskas tu isnanavaan, aupa malaitaz tu

isnanavan hai, nakahaitasun duma tu bunun, naniitu mahtu usizaan itu sinsi tu taiklas, nasauhabashabas malmimihdi minghumis. maza makaskas tu isnanavan hai, na mahtu usizaan itu sinsi tu taiklas, na mahtu sau habashabas malinaskal minghumis.

Maza malas Bunun tu sinsi hai, isaicia ngaan tupau tu Hundiv Takisvilainan, madia isaicia a hansaipun mas masial ta-azaun tu sinpalihabasan, maszang pali-uni tu makua a dalahan min-aiza, maisna-isa a kata bunun nastu cin minsuma. tatahu ami habasan minpakaliva tu ininghumisan. maszang “ vali min-uni buan ”, istupa mita tu, “ panahunin vali hai min-uni laupaku mas buan. nanu dau naminbaas hai, aupa ta-aza tu mavia bunun tu manah hai, laduaz sin matukalakin. buan hai masnava mas bunun tu liskasia buan mun huma sin lus-an.” saitan a itu bunun istutupa tu “liska buan” tu aisidaan. pinhansiapun saikin tu, Bunun tu sinkuzakuza hai liska sia buan mapasnava. cis-uni maupa cia hai, unhansiapan saikin mais itu Bunun tu sininghumis.

Mazima saikin isnavan naicia, aupa dangian amin nai-a mas madaidaz bunun tu is-aang. Musasu, mahansiap amin masnava, cis-uni maupacia at, maka-mahansiapin saikin tusaus, masipul, malasBunun, malasTauluu. tuzatuza uningang mas sinsi.